

आकाशवाणी

1. भारत ते स्लोवाकिया नै एम.एस.एम.ई ते विदेशी सेवाएं दे क्षेत्र च दऊं महत्वपूर्ण समझौतें पर दस्तखत कीते ना।
2. केंद्री मंत्रिमंडल नै संपर्क राबते च सुधार गितै रेल ढांचे सरबन्धी दऊं परियोजनाएं गी मंजूरी दिती ऐ।
3. भारत-फ्रांस कोला 26 रफाल मरीन लड़ाकू जहाज खरीदग। इस सौदे गी तौले गै औपचारिक रूप देई दित्ता जाग।
4. भारती रिजर्व बैंक नै अपने रेपो रेट च 25 मूल अंके दी कटौती दा ऐलान कीता ऐ।
5. जम्मू-कश्मीर दे उधमपुर ते किश्तवाड़ जिले च सुरक्षाबले ते आतंकादिएं बश्कार टाकरा चलै करदा ऐ।
6. मौसम विभाग नै उत्तर पच्छिम भारत च लू दा प्रकोप जारी रौहने दी चेतावनी दिती ऐ, राजस्थान लेई रेड अलर्ट जारी।
7. आई.पी.एल च अज्ज गुजरात टाइटन्स दा मकाबला राजस्थान रायल्स कन्नै होने आहला ऐ।

<><><><><><>

Prez.Slovakia visit

राष्ट्रपति द्रोपदी मुर्मू होरें स्लोवाक गणराज्य दे राष्ट्रपति पीटर पेलेग्रिनी हुंदे कन्नै अज्ज ब्रातिस लावा च प्रतिनिधिमंडल स्तर दी गल्लबात कीती। एहदे च दपक्खी सरबन्धें दे बक्ख-बक्ख पैहलुएं ते दौनें मुल्ले दे सांझे कुल संसारी ते इलाकाई हितें सरबन्धी मुहें पर चर्चा कीती गेई। राष्ट्रपति होरें दपक्खी सरबन्धें गी मजबूत करने दी भेठा राष्ट्रपति प्रेलेग्रिनी हुंदी व्यक्तिगत पैहल ते निष्ठा दी सराहना कीती। इस दौरान 2 समझौता ज्ञापनं पर दसतखत कीते गो। पैहला समझौता राष्ट्रीय लघु उद्योग निगम लिमिटेड ते स्लोवाक बिजनेस एजेंसी बश्कार एम.एस.एम.ई क्षेत्र च सहयोग बारै ते दुआ सुष्मा स्वराज विदेश सेवा संस्थान ते स्लोवाक विदेश ते यूरोपीय कार्य मंत्रालय बश्कार सहयोग दे बारे च ऐ। राष्ट्रपति मुर्मू होरें स्लोवाकिया च भारतीय कला ते संस्कृति गी लेइए लोके च बधदी दिलचस्पी पर खुशी प्रगट करदे होई भारत दे तेजिया कन्नै बधदे मीडिया, मनोरंजन ते रचनात्मक अर्थ बवस्था दे खेत्तरे च दौनें मुल्ले बश्कार होर मता सहयोग बढाने पर जोर दित्ता। उनें स्लोवाकिया गी पैहले मई कोला 4 मई तोड़ी मुम्बई च लगने आहले वेक्स शिखर सम्मेलन च हिस्सा लेने दा बी साद्दा दित्ता।

<><><><><><>

Cabinet Briefing

सरकार नै आंध्र प्रदेश ते तमिलनाडू च तिरुपति पाकला पटपडी सिंगल रेल लाइन खंड दे दोहरीकरण गी मंजूरी देई दित्ती ऐ। सूचना ते प्रसारण मंत्री अश्विनी वैष्णव होरें केंद्री मंत्रिमंडल दे फैसले बारै अज्ज नमीं दिल्ली च जानकारी दिंदे होई आखेआ जे इस परियोजना कन्नै वेल्लोर ते तिरुपति दे शैक्षिक ते चिकित्सा केंद्रें तोड़ी संपर्क बढोग। उनें आखेआ जे इस परियोजना कन्नै आंध्र प्रदेश दे चित्तूर ते तिरुपति जिले दे कन्नै तमिलनाडू दे वेल्लोर जिले गी लाहू होग। इस परियोजना पर 1 हजार 332 करोड़ रपे खर्च कीते जांगन। श्री वैष्णव होरें आखेआ जे मल्टी ट्रेकिंग परियोजना कन्नै करीब 400 गाएं दे 14 लक्ख लोके गी फायदा पुज्जोग। उनें गलाया जे कोयला, कृषि वस्तुओं, सीमेंट ते होर खनिजें दे आवागमन आस्तै एहू इक्क जरूरी रस्ता ऐ। एहदे अलावा सरकार नै छह लेन आले ज़ीरकपुर बाईपास दे निर्माण गी बी मंजूरी दिती ऐ। एहदे पर 1 हजार 878 करोड़ रुपये की लागत औग। जम्मू

<><><><><><>

Marine-Jets

भारत-फ्रांस कोला 26 रफाल मरीन लड़ाकू जहाज खरीदने जा'रदा ऐ। औंदे किश हफ्ते अंदर इस सौदे गी औपचारिक रूप देई दित्ता जाग। रक्षा सूत्रें जानकारी दिती ऐ जे 26 रफाल मरीन जहाजें चा 22 सिंगल सीटर ते

4 डबल सीटर होडन। इनेंगी भारती नौसेना दिएं जरूरतें गी ध्यानै च रखदे होई तैयार कीता जाग। रफाल मरीन ज्हाजें दी नौसेना च शामिल होने कन्नै एहदे छमता ते ताकत च कई गुणा बाढा होई जाग। इनें जंगी ज्हाजें गी आई.एन.एस विक्रमादित्य ते आई.एन.एस विक्रान्त जनेए ज्हाज ढोइए लेई जाने दी छमता आहले पोतें पर तैनात कीता जाग। इनें रफाल मरीन ज्हाजें गी भलेआं अज्जै-कल्लै दिएं थेआर प्रणालिएं ते मिसाइलें कन्नै लैस कीता जाग।

<><><><><><>

प्रधानमंत्री होरें मकामी उत्पादें गी बढावा देने दे महत्व उप्पर जोर दिंदे होई नागरिकें गी आखेआ जे ओहू भारत च बनी दियां चीजां होर खरीदन ते होरनें गी बी इयां करने लेई प्रोत्साहित करना। उनें मकामी उत्पादें गी वैश्विक बनाने दी लोड पर जोर दित्ता। प्रधानमंत्री होरें एहू गल्ल अज्ज नमीं दिल्ली च नवकार महामंत्र दिवस दे मौके उप्पर इक समारोह गी संबोधित करदे होई आक्खी। नवकार महामंत्र दी फिलासिफी ते भारत दे विकास दे बीजन गी जोडदे होई प्रधानमंत्री होरें लोके गी अपील कीती जे ओहू एहू 9 प्रण लैन:- जेदे च पानी बचाना, मां दे नांऽ पर इक बूहटा लाना, साफ-सफाई दा समर्थन करना, मकामी उत्पादें गी बढावा देना, मकामी सैलसफा गी बढावा देना, प्राकृतिक राई-बाई गी अपनाना, स्वास्थ्य जीवन जीने गी अपनाना, योग करना ते गरीबें दी मदद करना शामिल न।

<><><><><><>

LG-Mahamantra

उपराज्यपाल मनोज सिन्हा होरें राजभवन च आयोजित नवकार महामंत्र दिवस समारोह च हिस्सा लैता। इस दौरान नागरिकें जैन अंतरराष्ट्रीय बपार संगठन दे मिम्बरें ते वरिष्ठ अधिकारिणें किट्टे रलिए मंत्रोच्चारण कीता। इस मौके पर बोलदे होई उपराज्यपाल होरें मंत्र दे आध्यात्मिक महत्व गी उजागर करदे होई आध्यात्मिक जागरूकता ते आत्ममंथन दी गल्ल कीती।

<><><><><><>

RBI

भारतीय रिजर्व बैंक आर.बी.आई नै अपने रेपो रेट च 25 बेसिस अंके यानि 0 इशारिया 2-5 प्रतिशत दी कटौती कीती ऐ जेदे कन्नै एहू दर हून सवा 6 प्रतिशत कोला घट्ट होइयै 6 प्रतिशत रेई गेई ऐ। एहू फैसला आरबीआई दी मौद्रिक नीति समिति दी त्रै दिन चली दी बैठक दे बाद लैता गेआ। अज्ज इस बैठका दा खीरी ध्याडा हा।

<><><><><><>

Firing-Udhampur

उधमपुर जिले दे रामनगर इलाके च इक तपाशी अभियान दौरान सुरक्षाबलें ते आतंकवादिणें बश्कार टाकरा भखी पेआ। सोशल मीडिया पोस्ट च जिला पुलिस उधमपुर नै दस्सेआ जे इलाके च 2 थवां 3 आतंकवादिणें दे घेरे च फसे दे होने दी मेद ऐ। सुरक्षाबलें इलाके दी घेराबंदी करी लैती दी ऐ ते अभियान अजें जारी ऐ। होर ब्यौरे गी अजें बलगेआ जा'रदा ऐ। तोआई, किश्तवाड़ दे छात्रू इलाके च सुरक्षाबलें ते आतंकवादियें बश्कार बी टाकरा जारी ऐ। होर ब्यौरे गी बलगेआ जा'रदा ऐ।

<><><><><><>

BJP-Waqf

भारती जनता पार्टी नै वक्फ संशोधन कनून बारै जम्मू-कश्मीर विधानसभा च होए दे जबरदस्त हंगामे ते मुलखै दे किश हिस्सें च होआ करदे विरोध-प्रदर्शन गी बड़ी मंदें भागें आहली गल्ल करार दित्ता ऐ। पार्टी प्रवक्ता प्रेम शुक्ला होरें अज्ज इक प्रेस कांफ्रेंस गी संबोधित करदे होई आखेआ जे एहू बिल दौनें सदन च पास होने दे बाद राष्ट्रपति हुंदी मंजूरी दे बाद हून कनून बनी चुके दा ऐ। उनें आखेआ जे शड़ी नुख्ताचीनी ते विरोध करने दे ना पर कीती जा रदी हिंसा खरी गल्ल नेई ऐ। उनें आखेआ जे इस कनून गी लेइयै जेकर कुसै गी ऐतराज ऐ तां ओ अदालत च अपनी गल्ल रक्खी सकदा ऐ पर इस चाल्ली दिएं हिंसा ते भन्नत्रोड करना बड़ी माड़ी ते गलत गल्ल ऐ।

<><><><><><>

PM-Ramsahay-Thiru

प्रधानमंत्री नरेन्द्र मोदी होरें प्रसिद्ध लोक कलाकार पद्मश्री रामसहाय पांडेय हुंदे निधन पर बसोस प्रगट कीता ऐ। इक्क सोशल मीडिया पोस्ट च श्री मोदी होरें आखेआ जे अपनी अद्भुत कला, लग्न ते मेहनत कन्ननै रामसहाय पांडेय होरें बुंदेलखंड दे लोकनृत्य-राई गी अंतरराष्ट्री ख्याति दोआई। प्रधानमंत्री होरें आखेआ जे उन्दा काल देश दे कला जगत आस्तै इक्क बड़ी बड़ा नुकसान ऐ। तोआई, प्रधानमंत्री होरें वरिष्ठ नेता थिरु कुमारी अनंतन हुंदे निधन पर बी दुख जाहिर कीता। श्री मोदी होरें सोशल मीडिया पर पोस्ट च आखेआ जे थिरु कुमारी अनन्तन गी समाज आस्तै उन्दी उल्लेखनीय सेवा ते तलिनाडू दी प्रगति आस्तै उन्दे जुनून गी याद कीता जाग।

<><><><><><>

US-Tariff

चीन नै अमरीका दिएं सब्बनं चीजें-बस्तें ते समेयान पर 84 प्रतिशत बादू टैक्स लाने दी घोषणा कीती ऐ। चीन नै आखेआ ऐ जे नमैं टैक्स 10 अप्रैल दी अद्धी राती थमां लागू होई जांगन। एहदे शा पैहले अमरीका दे राष्ट्रपति डोनाल्ड ट्रम्प आसेआ चीन दे समेयान पर 104 प्रतिशत शुल्क लाने दे बाद चीन नै अमरीका पर धमकाने आहला रौह अपनाने दा आरोप लाया ते आखेआ जे अमरीका नै कुल संसारी बपार बवस्था, औद्योगिक बवस्था ते माल समेयान दी सप्लाई आहले रस्तें दी सुरक्षा ते स्थिरता गी बड़ा मता नुकसान पुजाया ऐ। इसै दौरान चीन नै इब्बी आखेआ जे इस मुद्दे पर ओ अमरीका कन्नै गल्लबात लेई बी तैयार ऐ। इसै सरबन्धि इक घटनाक्रम च दक्खन कोरिया दे बपार मंत्री चेओंग इन क्यो, अमरीका कन्नै आपात शुल्क समझौते पर गल्लबात करने लेई वाशिंगटन पुज्जी गेदे न। अमरीका नै कार ते इलैक्ट्रानिक्स निर्माता मुख्य कोरिया पर 25 प्रतिशत दा टैक्स लाने दा ऐलान कीते दा ऐ। तोआई, दुई बक्खी बैंक ऑफ इंग्लैंड नै अपनी माली स्थिरता रिपोर्ट च चेतावनी दिती ऐ जे अमरीका दे शुल्क लाने कन्नै बधदे बपार तनाव नै दुनिया भरै च बपार ते माली स्थिरता लेई खतरा पैदा करी दिते दा ऐ।

<><><><><><>

Dominicon-Republic Incident

डोमिनिकन गणराज्य दी राजधानी सैंटो डोमिंगो च इक नाइट क्लब दी छत ढेई जाने कारण मरोने आहलें दी गिनतरी 113 होई गेई ऐ जिसलै कि 150 कोला मते लोक घायल बी होए देन। हादसे च मरोने आहलें च इक सुबाई गवर्नर ते साबका मेजर लीग बेसबॉल पिचर आक्टेवियो डोटेल बी शामिल न। एह हादसा कल बडुलै मूंह न्हरे जेट सेटनाइट क्लब च मेरेंग्यू संगीतकार रूबी पेरेज दे संगीत कार्यक्रम दौरान होआ। इस घटना च मरोने आहलें च ओह आपूं बी शामिल न। खीरी जानकारी मूजब एल्लै बी कोई 400 कोला मते बचाव कर्मी मलबे हेठा जीदे लोकें ते मारे गेदे दिएं लोथें गी तुप्पने च लगगे देन।

<><><><><><>

Weather

मौसम विभाग नै अगले 24 घंटें दौरान उत्तर-पच्छिम भारत च लू चलने दी पेशगोई कीती ऐ। विभाग नै पच्छमी राजस्थान आस्तै रेड बी अलर्ट जारी कीता ऐ। विभाग दे वैज्ञानिक डॉ. नरेश कुमार होरें दस्सेआ ऐ जे औने आहले दो दिनें च गुजरात ते मध्य प्रदेश च लू दा असर ज्यादा होग। लोकें गी आखेआ गेआ ऐ जे ओह घरा बाहर निकलदे होई जरूरी एहतियात बरतन।

<><><><><><>

Budget Session Concludes

जम्मू-कश्मीर विधानसभा दे अध्यक्ष अब्दुल रहीम राथर होरें अज्ज सदन गी स्थगित करी दित्ता ते एल.जी हुंदे संबोधन कन्नै 3 मार्च गी शुरू होए दे 21 दिनें दे बजट सत्र दा समापन होई गेआ। इस दौरान 1 जहार 355 सवाल आए, जिंदे च 154 मुखब सवाल ते 353 पूरक जवाब मिले। इस दरान त्रै सरकारी बिल पास कीते गे ते 33 निजी सदस्यें दे बिल कारोबार लेई सूचीबद्ध कीते गे। उनें एहू बी दस्सेआ जे इस सत्र दौरान 109 प्रस्ताव आए जिंदे चा 85 प्रस्ताव दाखल कीते गे ते 14 गी कारोबार लेई सूचीबद्ध कीता गेआ। स्पीकर होरें दस्सेआ जे बजट सत्र दरान 39 घंटे शा मते समें दा इस्तेमाल कीता गेआ। स्पीकर होरें सुचारू कार्यवाई गी यकीनी बनाने च सब्बनं सदस्यें ते

हितधारकें दे सहयोग लेई धन्नवाद कीता। पैहले बक्फ कनून उप्पर चर्चा दे चलदे सदन च लगातार त्रीए दिन हंगामे दे चलदे अज्ज विधानसभा त्रै घंटे लेई स्थगित करी दित्ता गोआ।

<><><><><><>

Flower Show

जम्मू दे डिविजनल कमिशनर रमेश कुमार होरें उधमपुर जिले दे जखैनी पार्क च फुल्लें दे इक शो दा उद्घाटन कीता। एहदे च बक्ख-बक्ख चाल्ली दे फुल्ल दर्शाए गेन। अपने दौरे दौरान डिवकॉम होरें कई सारे स्टालें गी दिक्खेआ जिंदे च सजावटी ते दोआइए आहले पौधे बी शामिल हे।

<><><><><><>

Domicile-Issued

जम्मू-कश्मीर सरकारै बुधवारे जानकारी दित्ती जे तकरीबन 83 ज्हार 742 डोमीसाइल प्रमाण पत्र पिछले 2 बरें च राज्य थवां बाहर आहले लोकें गी जारी कीते गेन। एमएलए वहीद उर रहमान पर्रा हुंदे आसेआ पुच्छे गेदे सोआलै दे लिखित परते च सरकारै दस्सेआ जे कुल 35 लक्ख 12 ज्हार 184 डोमिसाइल सर्टिफिकेट पिछले 2 बरें च जारी कीते गे न जिंदे च 83 ज्हार 742 ओह लोक बी शामिल न जेडे जम्मू-कश्मीर दे बाहरां थवां न।

<><><><><><>

IPL

आई.पी.एल टी-20 क्रिकेट च अज्ज संज्ञा अहमदाबाद दे नरेंद्र मोदी स्टेडियम च गुजरात टाइटन्स दा मुकाबला राजस्थान रायल्स कन्नै होग। मैच संज्ञा साडे 7 बजे शुरू होग। चंडीगढ़ च कल रातीं खेड्डे गेदे मैच च पंजाब किंग्स नै चिन्नई सुपर किंग्स गी 18 रन्ज कन्नै हराया। इक होर मैच च कल लखनऊ सुपर जायंट्स नै कोलकाता दे ईडन गार्डन्स च मेजबान कोलकाता नाइट राइडर्स गी 4 रन्जें कन्नै हराया।

<><><><><><>